



Bosna i Hercegovina
Federacija Bosne i Hercegovine
Kanton Sarajevo
Općina Novi Grad



adresa: Vrbovska bb, tel / fax + 387 33 65 88 83 , + 387 33 65 88 81;
e-mail: osnovnaskolaaneks@gmail.com

PLAN O UPRAVLJANJU RADNIM PROCESIMA U KRIZNIM SITUACIJAMA U JU OŠ "ANEKS" ZA VRIJEME COVID-a 19

Na osnovu aktuelne epidemiološke situacije, zaključaka štabova civilne zaštite, preporuka i smjernica Svjetske zdravstvene organizacije, Federalnog ministarstva zdravstva, Zavoda za javno zdravstvo FBiH, ažuriraju se već postojeće procedure za rad u JU OŠ "Aneks".

Tim za upravljanje kriznim situacijama u JU OŠ "Aneks" čine:

1. Omer Begović, mr. – Direktor škole
2. Alem Avdibašić – Pedagog
3. Sabrina Voljevica - Sekretar

BIOSIGURNOSNE MJERE

Biosigurnosne mjere su mjere koje se primjenjuju radi smanjenja rizika unosa infekcije (bakterije, virusi i dr. mikroorganizmi) u životnu i radnu sredinu ljudi. One su najbolje mjere u sprječavanju unosa zaraze ili preveniranja i suzbijanja širenja zaraze. Ove mjere služe da bi se smanjio rizik unosa mikroorganizama i spriječila pojava oboljenja kod zaposlenika.

RIZIČNE TAČKE U ŠKOLI

Osim samih kontakata zaposlenika, kao rizične tačke u školi izdvajaju se sljedeće:

- mjesto ulaska/izlaska,
- toaleti,
- zajedničke prostorije
- učionice,
- zbornica.

GENERALNA ORGANIZACIJA RADA

Boravak u prostorijama Škole preporučuje se organizovati uključivanjem ne više od 50 uposlenika, pod uslovom da se može održavati razmak od dva metra.

OGRANIČENJE ULASKA U PROSTORIJE ŠKOLE

Neophodno je osigurati dolazak što manjeg broja osoba u prostorije škole. Ukoliko je krajnje neophodan ulazak osobe u prostorije škole, isti će se obaviti uz maksimalne mjere predostrožnosti. Posjetilac će kontaktirati samo sa jednom osobom i to na udaljenosti od dva metra i po mogućnosti u hodniku. Prilikom ulaska posjetiocu se mjeri tjelesna temperatura , zatim isti prolazi dez-barijeru i dezinfekciju ruku, uz obavezno nošenje zaštitne maske.



Bosna i Hercegovina
Federacija Bosne i Hercegovine
Kanton Sarajevo
Općina Novi Grad



adresa: Vrbovska bb, tel / fax + 387 33 65 88 83 , + 387 33 65 88 81;
e-mail: osnovnaskolaaneks@gmail.com

DEZ-BARIJERE ZA NOGE

Na ulazu u školu postaviti će se odgovarajuća dez-barijera, kao i upute kako je koristiti. Rastvor kojim se puni dez-barijera je upotrebljiv narednih 6-8 sati. Rastvor treba pripremiti prema uputama i treba biti pripremljen neposredno pred upotrebu. Dez-barijera treba da ima odgovarajuću plastičnu podlogu sa natopljenom spužvom, te odvojeni dodatni dio za posušivanje obuće (suha spužva). Za održavanje dez-barijere zadužuju se uposlenici na održavanju čistoće. Prilikom rukovanja dez-barijerom, zaposlenici će koristiti rukavice i masku.

DEZ-BARIJERE ZA RUKE

Raspršivač sa dezinfekcionim sredstvom treba postaviti na samom ulazu u školu, kako bi svaki uposlenik i eventualni posjetilac obavezno izvršio dezinfekciju ruku.

FIZIČKO UDALJAVANJE OD DVA METRA

Rad u školi neophodno je organizirati na način da se osigura u što većoj mjeri distanciranje (fizički razmak) kao i pojačana lična higijena i higijena prostora. U istom zajedničkom prostoru zaposlenici održavaju razmak od dva metra.

KRETANJE ZAPOSLENIKA

Kretanje van prostorija škole treba svesti na najmanju moguću mjeru, u skladu sa obavezama. Svaki uposlenik nakon povratka dužan je proći dez-barijeru i dezinfekciju ruku. Mole se zaposlenici da se ne zadržavaju u prostorijama škole suviše vrijeme mimo radnog vremena bez potrebe, a to da usaglase sa direktorom škole. Prije ulaska u učionicu, nastavnik ponovo dezinfikuje ruke.

PROZRAČIVANJE PROSTORIJA

Prostorije je obavezno prozračivati što češće ili ako vremenske prilike dozvoljavaju ostaviti otvoren prostor kontinuirano.

ČIŠĆENJE PROSTORA

Dodirne tačke kao što su ručke na vratima, na prozorima, radne površine, slavine na toaletima, sanitarne čvorove, prekidače za struju, te druge površine koje koristi veći broj osoba neophodno je dezinficirati na početku i na kraju svake smjene, a najmanje dva puta dnevno. Zaposlenici na održavanju čistoće imaju obavezu voditi evidenciju o čišćenju dezinfekcionim sredstvom podova, toaleta i ostalih površina. Potrebno je pojačati održavanje higijene u toaletima uz vođenje evidencije.

ŠTA TREBAJU URADITI OSOBE KOJE IMAJU SIMPTOME

Ako se osoba osjeća bolesno sa simptomima ili neko od njegovih ukućana ima iste (glavni simptomi: povišena tjelesna temperatura, kašalj, gubitak čula njuha/okusa, malaksalost; drugi simptomi: bolovi, glavobolja, konjuktivitis, proljev, osip na



Bosna i Hercegovina
Federacija Bosne i Hercegovine
Kanton Sarajevo
Općina Novi Grad



adresa: Vrbovska bb, tel / fax + 387 33 65 88 83 , + 387 33 65 88 81;
e-mail: osnovnaskolaaneks@gmail.com

koži), veoma je važno da ne dolazi na posao. Simptomi se moraju odmah prijaviti nadležnoj osobi. Zaražena osoba treba da kontaktira nadležni dom zdravlja kako bi prijavila simptome tj. da postupi prema smjernicama koje su propisane od strane nadležnih tijela u slučaju pandemije. Takođe je potrebno informisati upravu škole ukoliko je neko od uposlenika bio u kontaktu sa zaraženom osobom. Ukoliko se radniku povisi tjelesna temperatura ili se pojavi neki od respiratornih simptoma u toku radnog vremena, dužan je odmah napustiti radno mjesto, obavijestiti nadređenog i javiti se svom porodičnom ljekaru.

ORGANIZACIJA NASTAVE ZA UČENIKE OD I DO IV RAZREDA

Prilikom početka i završetka nastave na hodnicima, kao i na ulazu u školu u isto vrijeme treba da je prisutan što manji broj učenika, kako se ne bi stvarala gužva i kako bi se obezbjedila preporučena distanca od najmanje 1,5 metara

Broj učenika u odjeljenju je maksimalno od 10-15, a udaljenost između mjesta za sjedenje mora biti najmanje 1,5 m.

Časovi će trajati po 30 minuta, velikog odmora neće biti a za vrijeme malog odmora učenici ne smiju napuštati učionicu.

Kako bi se izbjeglo okupljanje većeg broja učenika na jednom mjestu u isto vrijeme, omogućiti dostavljanje obroka djeci u učionice. Ne dozvoljavati da učenici među sobom dijele hranu, kao ni pribor za jelo.

Učenici su obavezni nositi maske do učionica, ali ne i za vrijeme nastave, dok su nastavnici obavezni nositi iste i za vrijeme nastave, odnosno kontinuirano tokom čitavog boravka u školi.

PREPORUKA ZA RODITELJE

Prije dolaska učenika u školu, roditelji su obavezni izmjeriti mu temperaturu. Ukoliko dijete ima povišenu tjelesnu temperaturu i/ili neki od simptoma respiratorne i crijevne infekcije, ili roditelj sumnja na početak bolesti (malaksalost, kašalj, gubitak čula mirisa, okusa i sl.) **ne dovoditi** ga u školu, već konsultovati nadležnog ljekara i obavijestiti upravo škole ili razrednog starješinu.

Roditelji/staratelji učenike dovode i odvođe na način da, ne ulaze u ustanovu, već dolaze do ulaza ili do kapije pri čemu poštuju fizičku distancu od najmanje 1,5 metara u odnosu na druge roditelje/staratelje i učenike.

PRODUŽENI BORAVAK

Produženi boravak radi svaki nastavni dan u redovnom radnom vremenu. Potrebno je obezbjediti kvadraturu od 2m po učeniku.

Pomoćno-tehničko osoblje škole u toku rada produženog boravka koristi svaku moguću priliku da vrši čišćenje i dezinfekciju prostorija koje se koriste za produženi boravak, uključujući namještaj i prateći inventar.

Pape/kroksice koje učenici koriste u produženom boravku potrebno je češće dezinfikovati i prati (roditelji pranjem, a škola dezinfekcionim sredstvom u boravku).



Bosna i Hercegovina
Federacija Bosne i Hercegovine
Kanton Sarajevo
Općina Novi Grad



*adresa: Vrbovska bb, tel / fax + 387 33 65 88 83 , + 387 33 65 88 81;
e-mail: osnovnaskolaaneks@gmail.com*

Učenici objeduju u manjim grupama u različitim terminima, sa obaveznom fizičkom distancom i u toku objeda ne razmjenjuju pribor i posuđe za jelo.

POJAVA SIMPTOMA COVID-A KOD UČENIKA ZA VRIJEME NASTAVE

Škola je dužna obezbjediti prostoriju koja će se koristiti za izolaciju. U slučaju da učenik u toku boravka u školi dobije simptome COVID-a nastavnik je dužan odmah udaljiti učenika iz učionice, odvesti ga u posebnu prostoriju za izolaciju od ostalih učenika i obavijestiti direktora škole.

Direktor odmah obavještava nadležnu epidemiološku službu ili nadležni Dom zdravlja, kao i roditelje učenika.

Svi uposlenici, učenici i roditelji su dužni da se strogo pridržavaju gore navedenih mjera!

Broj:02-3003/20
Sarajevo, 31.08.2020.godine

Direktor škole
Begović Omer, mr